

# AGENDRE EPIFANIA

19 JANUARI 2025

## 1. FANGOWAI BA FOGAONI

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

**Fangowai** :

**SA** : Ya'ami banua niha Keriso, ba wondrugida migu Epifania andre, ma'owai ami fefu ba döi Zo'aya ya'ita Yesu Keriso.  
Ya'ahowu....

**SATO** : Ya'ahowu !

**SA** : Ya faofao khömi Lowalangi...

**SATO** : Ya fao Khöu Geheha-Nia

**Fogaoni** :

**SA** : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 6**

## 6. YESU WONDREGE ZALAŴA

1

do = es 4/4

MM = 88 - 96

1. Yesu Wondrege ZalaŴa, si so ita barö mbawa, fao niha ma' a fefu.  
Dozi nifatörö-Nia, mangalulu föna-Nia, ba wolohe sumange,  
ba wolohe sumange.

2. Khö-Nia wa' asalaŴa, ba hadia wa' ebuwa, oi khö-Nia so manö.  
He si yaŴa ba zorugo, he si so ba gulidanö, oi Ya' ia zokhö ö,  
oi Ya' ia zokhö ö.

## 2. FANGA'ARO'Ö WA'OWULO (VOTUM)

**SA** : Da tahonogö dödöda ba wariawösa, ba ba wa hasambua khö Lowalangi,  
(Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso,  
ba ba döi Geheha Ni'amoni'ö. Fangorifida ha ba döi Yehowa si no momböi  
banua si yawa awö danö.....

**SATO** : YADUHU

**SA** : He Yehowa, farongogö khögu lala ba wa'auri andrö: no fahöna wa'omuso dödö  
föna-U, ba ba gambölö-U so wa'ohahau dödö si lö mamalö<sup>1</sup>. HALELUYA.....

**SA** : **Manunö** : BZ. : 452

**Haleluya..... Haleluya..... Haleluya.....**

**SA** : Mangandrö ita :

He Yehowa Lowalangi, Ama sahakhö tödö ba sebua fa'omasi. Ma'andrö  
saohagölö me no Öheta ndra'aga moroi ba wa'abölö zogömiigömi, no Ö'ohe ba  
haga, börö Zo'aya ya'aga Yesu Keriso. Ya Eheha-U Ni'amoni'ö zanuturu lala  
khöma, ena'ö si tedou ba saro ndra'aga ba wamati, ba si lö faröi ndra'aga ba  
wango'aurifagö fa'omasi irugi gamozua götö danö andre. Yaduhu..

## 3. MANUNÖ moroi ba Mbuku Zinunö Numero 86

### 86. NO TO' ELE HAGA YESU 1

do = bes 4/4

MM = 96 - 104

<sup>1</sup>Taroma li bö'önia tola mufaigi ba nga'örö nifaogö si sara, faosatö si-IV

## 2

1. No to ' ele haga Yesu, möi fa ' aurimö da ' ö.  
Ha zamati angalulu, halö ia hagamö.  
Me fa ' ebua dödö, nibe ' e-Nia khömö.
2. Haga si' oroi Zo' aya, sohagaini tödöda  
Sangoroma khöda lala, ba wanöndra aurifa.  
Oi omuso dödöda, me no to' ele haga.

#### 4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Sinunö 111:1-10**

1. Haleluya! Da'usuno Yehowa, moroi si'aikö ba dödögu ba zowulo zadölö tödö andrö ba ba zi falukha mbanua.
2. Sebua nilau Yehowa; la'alualui tödöra dozi somasi ya'ia.
3. Fa'ebua ba lakhömi wolaunia andrö, ba fa'atulönia andrö, ba irugi zi lö aetu.
4. No ihonogöi, fa böi olifu niha zahölihöli dödö andrö khönia; sebua tödö Yehowa ba sahakhö tödö.
5. No ibe'e gö ba zangata'ufi ya'ia; lö mamalömalö wa itörö tödönia wawu'usa li andrö khönia.
6. No ifa'ele'ö ba mbanuania wa'abölö wolaunia, wame'e tána khöra tána ba niha baero andrö.
7. Si duhu ba satulö wolau dangania andrö; si lö mangiwa goroisania andrö, fefu.
8. Saró, si lö mamalömalö, irugi zi lö aetu, dali zi duhu ba sadölö.
9. No ifa'ohe'ö wangorifi ba mbanuania, no i'aro'ö gamabu'ula linia, si lö tebulö.
10. Böröta wa'atuatua wangata'ufi Yehowa andrö; sangila watahögö dozi sanörö lalania; si lö tebulö duriania andrö.

Simanö daroma Li Lowalangi, da tatema'ö faoma sinunö: BZ.Numero 20:1

#### BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.  
Mi 'ebua 'ö döi-Nia, sotöi banua-Nia.  
Me no Ikaoni göi ami, afu mitemawa'au ri, khö Yesu, Sangorifi.

#### 5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

##### **Mangandrö ita :**

Masuno ba ma'angaröfi li Ndra'ugö Yehowa, Ama khöma si so ba zorugo, ba khö Yesu Keriso sangorifi. No sebua fa'omasi Ndra'ugö khöma götögötö wa'ara. Ma'ondrasi Ndra'ugö ba nahia ni'amoni'ö ba wangalulu ba ba wangandrö saohagölö, ba howuhowu si no falukha ndra'aga. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö, si no mafalua, irege sohahau tödö ndra'aga wanohugö fekolima si faudu ba zomasi Ndra'ugö. Yaduhu.

SATO

: Manunö : BZ. Numero 224 : 1

## 224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödügu U'ombakha'ö ngawalö horögu, mo lala dödü.

**SA** : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.

LAKHÖMI KHÖ LOWALANGI SI YAWA.....

**SATO** : Manunö:

## 450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

**(mudadao zato)**

### 6. FOMBASO TAROMA LI LOWALANGI FÖNA HUHUAO (AB)

- : Da tafondrondrongo daroma Li Lowalangi, tehalö moroi ba zura **Yohane 2:1-11**

1. Dua wongi aefa da'ö, ba so walöwa ba Kana ba Galilaia, ba so nina Yesu ba da'ö.
2. Ba lakaoni göi Yesu, awö nifahaönia, ba walöwa andrö.
3. Ba lö agu khöra, me no ahoi nagu walöwa. Ba imane ina Yesu khönia: Lö agu.
4. Imane khönia Yesu: Hana ndra'ugö khögu, alawe? Tenga na inötö khögu.
5. Imane inania ba genoni andrö: Na so niwa'önia khömi, ba mi'o'ö.
6. Ba so ba da'ö rumbi, önö, naha nidanö, ba wanasa khöra, huku khöra ba niha Yehuda, fa tölu yöu zambua.
7. Imane khöra Yesu: Mifönu idanö rumbi andrö. Ba lafönu irugi mbewe.
8. Ba imane khöra: Misou saae, ba mi'ohe khö zatua zangai halöwö. Ba la'ohe.
9. Ba me no itandra satua zangai halöwö nidanö andrö, si no tobali agu, ba me lö i'ila, he moroi — ba la'ila sa enoni andrö sana'u idanö andrö — ba humede zatua zangai halöwö khö zangowalu,
10. imane khönia: Oföna labe'e nagu si sökhi dozi niha, ba dania, na no abuso ira, ba labe'e zambö fa'asökhi; ba ya'ugö, ba no ötenagö nagu si sökhi, irugi da'e.
11. Ba Kana ba Galilaia ilau da'ö Yesu, bööröta dandra andrö, i'oroma'ö lakhöminia, ba mamati khönia nifahaönia andrö.

Ya'ahowu zamondrongo taroma li Lowalangi ba same'e ba dödü.

**SA+SATO** : Yaduhu

### 8. FASÖMBATA

**SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao famasao ame'ela Persembahan Kasih. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi. (Sinunö 50:23)

Tafa'ema wasömbata khö Lowalangi, manunö ita moroi ba Mbuku Zinunö **Numero 331**

## 331. HE ANGI SABÖLÖ 1

do = es, 2/4

MM = 96 – 104

## 4

1. He angi sabölö zamaheu tödö, aetu wanötöna lö fa ' abölö. Erai howuhowu Zo' aya Sokhö, fa ' omasi-Nia sahöli dödö. Howuhowu Zo' aya Sokhö ba oi sahölihöli dödö. Howuhowu Zo' aya So khö, fa ' omasi-Nia sahöli dödö.
2. Hadia so noro samusi tödömö, ma röfa wa' auri ni' onoromö. Erai howuhowu Zo' aya Sokhö, sunosuno Ia si' oroi dödö.  
*Reff*: Howuhowu Zo' aya sokhö ....
3. Na öfaigi gokhöta niha bö' ö, abölö sökhi niwaö Yesu khömö. Okhöta ba zorugo lö tebulö, si tebai ni' öli mbuala Zokhö.  
*Reff*: Howuhowu Zo' aya sokhö ....
4. Fefu noro dödö ba gulidanö, so Yesu Sanolo solului khömö. Howuhowu-Nia ba wa' aurimö, böi olifu wangandrö saohagölö.  
*Reff*: Howuhowu Zo' aya sokhö ....
5. Ya' ita fefu si fatalifusö, tasuno Yesu lö mamalömalö. Me no Itolo ita Irorogö, falukha ita wa' ohahau dödö.  
*Reff*: Howuhowu Zo' aya sokhö ....

SA :

*Na no awai la 'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la 'o'ö gofanöwa note zinunö ( irama lagu ).Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....  
Manunö ita moroi ba Mbuku Zinunö numero 261

### 261. YA'E ZUMANGE <sup>2</sup>

do = d 4/4

MM = 62 – 68

**Ira'alawe**□

1. Ya ' e zu-ma-nge fa-sömbata, ma ' o-he sumange Yehowa.

**Iramatua**

*Reff*: Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

*Reff*: Ma'andrö khö-U ....

3. Ya'e zumange fasömbata buala si'otara Nama.

*Reff*: Ma'andrö khö-U ....

4. Ya'e zumange fasömbata, boto, noso, ba fa'aurima

*Reff*: Ma'andrö khö-U ....

5. Ya'e zumange fasömbata, lö irugi zomasi dödö-U.

*Reff*: Ma'andrö khö-U ....

6. Ya'e zumange fasömbata, ma'aghasi gölö Zo'aya.

*Reff*: Ma'andrö khö-U ....

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

## 9. KOOR/VOKAL GROUP

- SA : Da tafaogö dödöda ba wanuno Lowalangi faoma sinunö ni'olohesi:  
Koor ba Vokal Group
- a. Koor Jemaat
  - b. Kegiatan Kom.Perempuan
  - c. Kegiatan Sektor 1
  - d.

## 10. MANUNÖ

- SA : Da tafa'anö dödöda wamondrongong taroma Li Lowalangi, manunö ita moroi  
Ba Mbuku Zinunö **numero 163**

### 163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

## 11. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Yesaya 62:1-5 (Tuho :Fefu Soi Anehe Ira Lakhömi ba Fa'atulö Lowalangi / Bangsa-bangsa Melihat Kebenaran dan Kemuliaan Tuhan)*
  - b. Fanuriaigö
  - c. Nitanö ba dödö. *Yesaya 62:2a (Ba la'ila zatulö andrö khö-U niha baero, ba oroma lakhömi-U ba zalawa fefu. / Maka bangsa-bangsa akan melihat kebenaran-Mu, dan semua raja akan melihat kemuliaan-Mu.)*
  - d. Fangandrö Fanga'aro'ö huhuo

**SATO** : Manunö : BZ. Numero 154 : 1

### 154. NO MAFONDRONDRONGO LIU<sup>3</sup>

1. No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

## 12. TUHO WAMATI

**SA** : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
  - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
  - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

## 13. ANGOMBAKHATA BA MBANUA NIHA KERISO

**SA** : Da tafondrondrongo gangombakhata:.....

### MANUNÖ

**SA** : Manunö ita moroi ba Mbuku Zinunö **numero: 189 ayati 1-2**

### 189. MITABU FEFU, TATÖNGÖNI<sup>1</sup>

do = a 4/4  
MM = 88 – 96

1. Mitabu fefu, tatöngöni, Keriso, Yesu, Sangorifi.  
Ya ' ia lala ba wa ' auri, Ere sebua göi.  
Ohahau dödöda khö-Nia, me fefu horöda Iheta.  
Ifasao ita möi khö Nama, khö Lowalangida.
2. Mitabu fefu, ta' ondrasi, Keriso Yesu Sangöhöli,  
Tabè dödöda Ibohouni, na horö oi taröi.  
*Reff*: Ohahau dödöda khö-Nia, ....

#### 14. FANGANDRÖ SALAHI + FAMATENGE + HOWUHOWU

**SH** : Muzizio ita fefu, mangandö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

**SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

**SH** : FAMATENGE + HOWUHOWU :  
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :  
❖ Ya mufahowu'ö ami/ita Lowalangi, Ya murorogö ami/ita  
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda  
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

**SATO** : Manunö BZ.Numero **189 ayati 3**

### 189. MITABU FEFU, TATÖNGÖNI 1

do = a 4/4

MM = 88 - 96

3. Mitabu fefu da ta' o' ö, Keriso Yesu Sangefa' ö.  
Sahakhö tödö Yesu andrö, tabu böi taradö.  
*Reff*: Ohahau dödöda khö-Nia, ....

**SH** : YA'AHOWU

**SATO** : YA'AHOWU